



KEMENTERIAN KERJA RAYA

MALAYSIA

# KENYATAAN MEDIA

## PEMAKLUMAN STATUS BANJIR DI NEGERI JOHOR

Notis Kesiapsiagaan Operasi Bencana telah dikeluarkan oleh Pusat Kawalan Bencana Negara (NDCC), Agensi Pengurusan Bencana Negara (NADMA) pada 28 Februari 2023 berikutan Amaran Hujan Berterusan (Bahaya) yang melibatkan beberapa negeri terutamanya negeri Johor, Pahang, Negeri Sembilan, Melaka manakala amaran (Waspada) melibatkan Negeri Perak, Selangor, Kuala Terengganu, WP Putrajaya dan Kuala Lumpur.

Tujuh (7) daerah di negeri Johor yang terjejas sehingga 1 Mac 2023 adalah Segamat, Kluang, Mersing, Kota Tinggi, Kulai, Johor Bahru dan Pontian. Ekoran itu, tindakan segera yang telah dan sedang diambil oleh JKR Malaysia adalah:

### **Pengaktifan Pusat Kawalan Operasi Bencana**

Pusat Kawalan Operasi Bencana Negeri Johor telah diaktifkan serta merta jam 8.00 pagi, bermula pada hari ini. Setiap pelaporan terkini kejadian bencana di setiap daerah yang terjejas akan dikemaskini setiap empat (4) jam. Pelaporan akan dikemaskini di laman rasmi Pengurusan Bencana JKR Malaysia (e-Bencana). JKR Negeri dan Daerah juga sentiasa bersiapsedia membantu orang awam dalam penyaluran maklumat terkini dan pertanyaan berkaitan dengan penutupan jalan.

### **Kerjasama Pihak Konsesi Persekutuan dan Negeri**

Pihak konsesi bersama JKR Daerah turut bersiapsiaga di laluan yang dinaiki air sebagai persediaan jika berlaku kecemasan yang tidak diingini. Selain itu, Pelan Pengurusan Trafik (TMP) telah disediakan oleh pihak Konsesi Persekutuan dan Negeri untuk membantu kawalan trafik di lokasi yang terjejas. Pada masa yang sama, pemantauan paras air naik dan turun turut dilaksana bagi memastikan jalan atau laluan tersebut boleh dibuka kepada orang awam atau sebaliknya.

**Unit Komunikasi Korporat | Kementerian Kerja Raya Malaysia**

WWW.KKR.GOV.MY PRO@KKR.GOV.MY KEMENTERIAN KERJA RAYA KKR.MALAYSIA @MOWORKS KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : 03 2711 1101

Jalan Sultan Salahuddin,  
50580 Kuala Lumpur



KEMENTERIAN KERJA RAYA

MALAYSIA

# KENYATAAN MEDIA

## **Peruntukan Jurutera Daerah Sebanyak RM250 Ribu Telah Disalurkan**

Bagi daerah yang masih dalam proses perlantikan konsesi negeri iaitu Daerah Kluang, Batu Pahat, Segamat, Muar dan Tangkak, peruntukan sebanyak RM250 Ribu telah disalurkan serta merta bagi kegunaan Jurutera Daerah (JD) mengikut keperluan mendesak berikutan keadaan banjir yang berlaku pada masa kini di Negeri Johor.

## **Senarai Kerosakan Jalan Akibat Banjir**

Kebanyakan jalan yang terjejas adalah melibatkan Jalan Persekutuan. Pihak Konsesi Persekutuan dan juga JKR Daerah akan mengenalpasti jalan-jalan yang rosak bagi tujuan permohonan peruntukan kerja-kerja pembaikan.

## **Bantuan Tanggungjawab Sosial Korporat (CSR)**

JKR Malaysia sentiasa bersiapsiaga mengaktifkan aset-aset jabatan untuk menghadapi sebarang kemungkinan antaranya kesiapsiagaan pasukan *bailey bridge* serta aset-aset jabatan. Selain itu, pihak JKR Kota Tinggi turut bersama-sama membantu membawa pelajar yang sedang menduduki peperiksaan SPM dan juga membawa pesakit ke hospital.

## **Penyaluran Maklumat Terkini Berkaitan Bencana Banjir**

Orang awam boleh mendapatkan maklumat mengenai status jalan yang terlibat serta jalan alternatif bagi jalan yang ditutup akibat banjir dengan menghubungi Bilik Gerakan Bencana JKR Malaysia di talian 03-2610 7727 atau melayari laman web <http://bencanaalam.jkr.gov.my>. Orang awam juga boleh memperolehi maklumat jalan alternatif melalui laman sosial rasmi JKR Malaysia iaitu facebook jkr.malaysia, twitter @jkrMalaysia dan instagram @jkrmalaysia.

Orang awam dinasihatkan untuk sentiasa berhati-hati di jalan raya, peka dan patuhi papan tanda serta arahan Pihak Berkuasa dari semasa ke semasa.

**KEMENTERIAN KERJA RAYA  
2 MAC 2023**

**Unit Komunikasi Korporat | Kementerian Kerja Raya Malaysia**

WWW.KKR.GOV.MY PRO@KKR.GOV.MY KEMENTERIAN KERJA RAYA KKR\_MALAYSIA @MOWORKS KEMENTERIAN KERJA RAYA OFFICIAL

Tel : 03 8000 8000 / D.L : 03 2771 4616 / 4627 | Faks : 03 2711 1101

Jalan Sultan Salahuddin,  
50580 Kuala Lumpur